

Er oz anc ina organisaziun independenta

Cuminanza d'interess da las vischnancas pitschnas

DA GION NUTEGN STIGIER / ANR

■ **En il center da la dieta è stà il giubileum da 25 onns da l'organisaziun. Fundada è la cuminanza vegnida ils 8 da favrer 1993 a Cuira e quai sin iniziativa da la Gentrala da dumnas dal Grischun. Er la Lia Rumantscha è stada ina confundatura da quell'organisaziun da vischnancas.** L'activitad principala da la Cuminanza d'interess da las vischnancas pitschnas è er 25 onns suenter sia fundaziun la medema. Quai è d'organisar la dieta annuala ch'ha adina lieu l'emprima sonda dal mais da november. La suprastanza da l'organisaziun envida er adina intginas persunas sco referentas tar in tema actual. Avant dus onns en ils tschais d'ava stads il tema, il 2017 il provediment da sanadad en noss chantun e la dieta da sonda passada è stada dedigada al tema cultura.

Senza cuntegn

Als trais referents, cusseglier guvernativ *Martin Jäger*, *Barbara Gabrilli*, la mandada da l'Uffizi chantunal da cultura, ed al professor per turissem e svilup *Stefan Forster* sei insumma na reussi da guidagnar la simpatia dals preschents cun lur referats.

Quels referats en stads lungurus, nunteressants, senza cuntegn ed er monotons. Persuenter ha il cabaretist *Flurin Canizel* sco co-president da la dieta, cun paucs plets sveglia l'interess dals presidents communaals e dals commembres e dals commembres da las suprastanza da vischnanca.

La tgra dals contacts

La Cuminanza d'interess da las vischnancas pitschnas è in organisaziun independenta ed ina associaziun che na s'engascha strusch politicamain. Presidenta da la cuminanza è *Regula Götte*, la presidenta communal da Ziran-Reschen. L'interess principal dals commembres da la cuminanza è da rgirar ils contracts tranter ils presidents communaals e las persunas che fan

part da las suprastanza da las vischnancas pitschnas. Da preschent ha l'organisaziun anc 100 vischnancas ch'èn commembres, dentant er vischnancas pli grondas sco per exempel quella da Scuol, territorialmain la pli gronda vischnanca da la Svizra. Fin anc avant otg onns eran be vischnancas cun il pli bler 300 abitants ed abitantas commembres da la cuminanza. Cun adina dapli tras vischnancas fusiunar è il dum-

ber da commembranza sa reduci e vitiers en vegnidas vischnancas pli grondas.

La punt tar l'uffizi da vischnancas

Dapi 20 onns fig'activ en la Cuminanza d'interess da las vischnancas pitschnas è *Robert Heinz*, l'antierur deputà d'Avras. El ha menziunà ch'il scop da l'organisaziun saja adina stà il barar d'experientschas ed infurmaziuns tranter las pers-



La presidenta flancada da dus suprastants: Robert Heinz, Regula Götte e Rico Lamprecht (da san.).

FOTO: G. N. STIGIER

nas che sajan al timun da lieu p'li pitschens. Oz saja quai bain sa midà cun eser las vischnancas territorialmain in pau pli grondas. Insetge saja restà cun avair ina vischnanca pitschna ubain ina vischnanca pli gronda ils medems problems e quirts, punctescha Heinz. En quels 25 onns haja l'organisaziun er adina pussè sustegn vischnancas quai che perturga pensuns publics, organisar occurrenzas da discussiuns ed er cun porscher maun tar documents da lavur. Ultra da quai saja la Cuminanza d'interess da las vischnancas pitschnas er ina punt tranter las vischnancas e l'Uffizi chantunal da vischnancas. Cun quel uffizi saja la collavuraziun ils davos 25 onns adina stada figbuna, menziuna Heinz. El ha lura er chatà be buns plets per la regenza, ella che saja dapi la fundaziun da la cuminanza adina stada in bun partenari per l'organisaziun da vischnancas.

Sis persunas stattan al timun

Fundada è la Cuminanza d'interess da las vischnancas pitschnas vegnida ils 8 da favrer 1993 a Cuira. Tar ils fundaturs en tranter auter er stads *Hansjürg Hasler* (Donat), da lez temp president communal da quella vischnanca, lura Bernard Cathomas (Cuira), el ch'ha representà la Lia Rumantscha e *Haimo Hatsch* (Cumbel) da l'inspecurat da vischnancas. Oz stattan sis persunas al timun da l'organisaziun. Quai en: *Regula Götte* (Ziran-Reschen), *Thomas Buchli* (Susaugia), *Robert Heinz* (Avras), *Rico Lamprecht* (Sta. Maria), *Linard Martinelli* (Lavin) e *Bruno Preisig* (Molinis).